

The Electronic Manipulus florum
www.manipulusflorum.com

Mendacium k
cum fonte primo

Mendacii quoque genus perfecti uiri summo opere fugiunt ut nec uita alicuius per eorum fallaciam defendatur ne sue anime noceant, dum prestari nituntur carni aliene, quamquam hoc peccati genus facillime credimus relaxari. Nam si quelibet culpa sequenti solet pia operatione purgari, quanto magis hec facile abstergitur quam mater boni operis pietas ipsa committit?

Gregorius ibidem (libro XVIII.).

Et: *Perdes eos qui loquuntur mendacium*; hoc quoque mendacii genus perfecti uiri summopere fugiunt, ut nec uita cuiuslibet per eorum fallaciam defendatur ne suae animae noceant, dum praestare carni nituntur alienae; quamquam hoc ipsum peccati genus facillime credimus relaxari. Nam si quaelibet culpa sequenti solet pia operatione purgari, quanto magis haec facile abstergitur, quam mater boni operis pietas ipsa comitatur?

Gregorius Magnus, *Moralia in Iob*, 18, 3 (CCSL 143A, M. Adriaen ed., pp.888-9, ll.18-25).